

## НА ЛИТУРГИИ II ГЛАСА

### Блаженна, глас 2:

**Глас** Ти приносим разбойничь, и мо́лимся: помяни нас Спасе, во Ца́рствии Твоем.

**Стих:** Блажени чистии сердцем, яко тии Бога узрят.

**Крест** Тебе приносим в прощение прегрешений: Егоже нас ради приял еси Человеколюбче.

**Стих:** Блажени миротворцы, яко тии сынове Божии нарекутся.

**Поклоняемся** Твоему Владыко погребению, и востанию: имиже от тления избавил еси мир Человеколюбче.

**Стих:** Блажени изгнани правды ради, яко тех есть Царство Небесное.

**Смертию** Твоею Господи, пожерта бысть смерть: и Воскресением Твоим Спасе, мир спасл еси.

**Стих:** Блажени есте, егда поносят вам, и ижденут, и рекут всяк зол глагол на вы лжуще Мене ради.

**Мироносицы** сретил еси, воскрес от гроба, и учеником возвестил еси, рещи Твое востание.

**Стих:** Радуйтесь и веселитесь, яко мзда ваша многа на Небесех.

**Иже** во тьме спящии Тя свет видевшие, в преисподнейших адских Христе воскресоша.

**Слава:** Отца прославим, Сыну поклонимся вси, и Святому Духу верно воспоем.

**И ныне, Богородичен:** Радуйся Престоле Огnezрачный. Радуйся, Невеста Невестная. Радуйся, Яже Бога человеком Дево рождающая.

## ТРОПАРЬ ВОСКРЕСЕН, ГЛАС 2:

**Е**гда снишел еси к смерти Животе Безсмертный, / тогда ад умертвил еси блистанием Божества: / егда же и умершия от преисподних воскресил еси, / вся силы небесныя взываху: // Жизнодавче Христе Боже наш, слава Тебе.

## КОНДАК ВОСКРЕСЕН, ГЛАС 2:

**В**оскресл еси от гроба Всесильне Спасе, / и ад видево чудо, ужасеся, / и мертвии восташа: / тварь же видящи срадуется Тебе, / и Адам свеселится, // и мир Спасе мой воспевае Тебя присно.

**Прокимен, глас 2:** Крепость моя и пение мое Господь, и бысть мне во спасение.

**Стих:** Наказуя наказа мя Господь, смерти же не предаде мя.

### Прокимен Литургии, глас II

Кре - пость моя и пение мое Господь и бысть мне

во спа - се - ни - е.